

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127 0 K 071644 24 Kv 2
Banovići, 15.10.2024. godine

Općinski sud u Banovićima, u vijeću sastavljenom od sudija Zlatka Šahinovića, kao predsjednika vijeća, te Damira Dautovića i Sanele Čajić, kao članova vijeća, uz učešće zapisničara Azre Mujić, u krivičnom predmetu protiv osuđenog M.E., sin H. iz B., ulica ... , zbog krivičnog djela Laka tjelesna ozljeda iz člana 173. stav 1. Krivičnog zakona Federacije Bosne i Hercegovine, po optužnici Kantonalnog tužilaštva Tuzlanskog kantona Tuzla broj: T03 0 KT 0061983 16 od 07.11.2018. godine, odlučujući o zahtjevu osuđenog za ponavljanje krivičnog postupka od 26.06.2024. godine, dana 15.10.2024. godine, donio je

RJEŠENJE

Odbacuje se zahtjev osuđenog za ponavljanje krivičnog postupka.

Obrazloženje

Osuđeni je 26.06.2024. godine, podnio podnesak naslovljen kao zahtjev za obnovu postupka u korist osuđenog, u kojem navodi da predlaže obnovu postupka Općinskog suda u Banovićima broj: 127 0 K 071644 19 K, a kao razloge navodi članove 173. stav 1., 15. stav 1. i 2. i 16. stav 1., 2., 3., 4., 5. i 6. Krivičnog zakona Federacije BiH.

Rješenjem Općinskog suda u Banovićima, broj: 127 0 K 071644 24 Kv 2, od 30.09.2024. godine, koje je osuđenom dostavljeno 03.10.2024. godine, pozvan je osuđeni da u roku od 5 dana od dana prijema rješenja dopuni zahtjev za ponavljanje krivičnog postupka, te je upozoren da će sud, ako ne postupi po pozivu u određenom roku, zahtjev rješenjem odbaciti, u skladu sa odredbom člana 347. stav 1. Zakona o krivičnom postupku F BiH („Službene novine F BiH“ broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14, 75/17 i 74/20, u daljem tekstu ZKP F BiH), u vezi sa članom 346. stav 2. ZKP F BiH.

S obzirom da osuđeni, kao podnosilac zahtjeva za ponavljanje krivičnog postupka, nije postupio po navedenom rješenju, primjenom odredbi člana 347. stav 1. u vezi sa članom 346. stav 2. ZKP F BiH, odlučeno je kao u izreci.

Zapisničar
Azra Mujić

Predsjednik vijeća
Sudija
Zlatko Šahinović

POUKA O PRAVNOM LIJEKU: Protiv rješenja dozvoljena je žalba Kantonalnom sudu u Tuzli, putem ovog suda, u roku od 3 (tri) dana od dana dostavljanja rješenja.